



22092

III Mag. St. Dr. P

kat.komp.

hermus

Wojuslawski Matthiae Ioan. Cant. Purpura genti.

lituae rosae

PANEG. et VITAE

Polon. Fol.

№1336

P
G
D
GN
&

In R

D
S

Artium
Villic

& ad

Be

M. M
Arti

PURPURA

GENTILITIÆ ROSÆ,

D. ADALBERTI,

GNESNENSIS olim ARCHIPRÆSULIS
& MARTYRIS, REGNIq; POLONIÆ

PATRONI,

In Roseo Virtutum & magnorum in Ecclesia
DEI meritorum murice,

Perillustris, & Admodum Reverendi Domini,

D. M. ADALBERTI

STASZEWSKI,

In Celeberrima Vniversitate Cracoviensi,
Artium & Philosophiæ Doctoris, Ecclesiæ Collegiatæ
Vislicensis DECANI, PRÆPOSITI Chroberzscensis, &c.

VERNANS,

& ad Solennem annui eiusdem Patrocinij recursum,
in vim debitæ venerationis & devotæ gratulationis,
inter ridentes Veris Purpurei delicias,

Benefactori, & Patrono suo amplissimo,

Officioso Calamo

PER

M. MATTHIAM JOANNEM CANTIUM BOGUSŁAWSKI,

Artium Liberalium & Philosophiæ Doctorem ac Professore,

Protunc Scholæ Neo-Corcinensis Directorem,

EXPLICATA.

Anno efflorescentis in Salutem nostram Nazaræi Floris
Christi Domini 1694. Die 23. Aprilis.

KL.

CRACOVIAE. TYPIS VNIVERSITATIS. J. XXII. 24.

In Stemma
Perillustris, & Adm Rñdi Dñi.



22092 III

REGVM delicia ROSA, magno digna Senatu,
Pontificum Sacris, est ROSA digna Mitris:
Hac dum STASZEVIO de Stemmata candida vernat,
Cunctis praeclarum monstrat in Orbe Virum.

Antonius Staszewski, Studiosus
Scholæ Neo-Corcinensis.

PURPURA

Gentilitiæ ROSÆ.

ESto Purpureorum prodigus florum, vsq; ad prodigium
Vernantis Naturæ Geni!

tamen dicant de te fasti, æuiterni rerum obseruatorum dictatores:
erubescisne Purpureum in Rosis nitorem?

Minimè,

licet inter spinas.

Hyblæ quippe calathos, perbellè calles,
Spinarum aculeis, ob Purpuram condi.

Hoc nimirum Maiestatis est,
qualis Reginam florum decet;
rostrato vt satellitio obarmetur in ostro.

Quia quid valeret

Purpura Regij Floris.

ni armatis stiparetur vigilijs?

Ex quibus vt venit, à longè reverentia maior;

ita inter spinas manet cortina securior.

Hinc

Solus est Tyresia cæcior sub sole,
qui aculeatas frustra excubias, Rosis congenitas diceret.

Cùm & æterna rerum omnium Parens,
DEI & Naturæ prouidentia, non fecit frustra:

Dum Rosis sic prouidit:

Vt reuerentiùs, magnificentius, & securius

inter lanceolas spinarum & cuspides,

Cæsaream explicarent sui floris Cæsariem.

Nequè vulgarium hortorum aut pestilentis Sardinia flos est

ROSA,

Sed solus in solo, Hesperidum Paradiso æmulus hortus,

ROSÆ delictum est.

Non solæ Rosam sub sole

Adonidis delicta lactant delectantquè.

Regina hæc florum, & Purpura veris,

Longè augustius vernauit

in Divinissimi A D A L B E R T I

Archipræfulis Gnesnensis,
Gentilitio decore.

Paradisus deliciarum ei in pectore illius est,
Hunc Archipræsuleum Florem Diuinissimi Pneumatis Etesiae,
ita afflarunt,

Vt virtutum amænissimum fuisset Pæstum.
Nec quid quam ad Tiberina littora hâc ROSA
gratius, Roma mirata & venerata erat.

Alemanicus & Pannonicus Danubius
Bohemica fluenta, Polonicus Vistula,
grato murmure nihil impensius colunt.

In ea plusquam in Miliesia
Christi bonus odor est.

Tyrio Murice augustiorem Purpuram cælo præsentat,
Quam ei Prutenicus tinxit Rubicon.
Omnis suauitas, salus & medella Poloniae,
In ea sita est.

Nequè sacrilegâ manu decerptam puta;
quæ transfusis virtutum incrementis
in Te amænissimè vernat,

Perillustri & Admodum Reuerende Domine
D. ADALBERTE, CASIMIRE STASZEWSKI.

Ecclesiae Collegiatae Vislicensis Decane &c.

Vir non nisi Roseo vernantis suadæ ore celebrande.

Tu vix nobiles cunas egressus,
renellas capacissimæ indolis Tuæ dotes,
ita innocenti Rosarum rubore suffudisti,
Vt Roseus fieres totus, animo purpureus totus.

Claram per Lucinam, vix in lucem editus,
Illico intaminatis virtutum splendoribus adeo effulsisti,
Vt in aurora ætatis, meridiem futuræ claritatis exhiberes.

Pulchro quidem Natalium ostro decorus,
sed pulchrius insigni probitatis Purpurâ vernâsti,
vel in primo ætatis vere.

Quod ROSA inter flores, hoc Tu inter Musarum cultores exististi.

Cracius Apollo Te inter primas delicias posuerat,
quem fragrantia virtutum delectâsti.

In Palladis horto omnes Gratias complexus es,
cum Reginae Eloquentiæ flores & Tulliana decora,

in

in vnum fasciculum collecta,
vt novum Cornu Copiæ præsentasti.

ROSÆ Tuo veniebant ab ore;

Quoties novus pro rostris Hortensius, novam Hesperiam explicuisti.

Parnassum deferere visæ sunt Pierides,

cùm Tu novum in pectore Tuo eis exhiberes Heliconem.

Refloruit & inter Spinas Logicas,

Roseum ingenium Tuum,

Nunquam acumen præferens, nisi quo difficultates pungerentur.

Naturalis Scientiæ theatrum ingressus,

velut Rosa in diebus Vernis animos audientium recreasti.

Cùm de Materia & Forma subtilia edicta promeres,

novam materiem laudum Tibi auxisti:

novam Formam Eruditionis solidæ in Te demonstrasti.

Porro cùm Tibi semper fuerit in motu quies,

Nunquam tranquillam mentem intra mundi compagem tenuisti,

quin cælo contermina ibi quiesceret, vbi vera quies,

in assiduo in DEVM motu est.

Ita ergo,

de Cælo & Mundo Tractatus explicuisti,

vt à mundi illecebris mundus, *sublimi ferires sidera vertice.*

Anima actus primus,

ita in Te ordinata erat;

vt secundis Virtutum actibus ad purissimum Actum elevaretur.

Sic, vt

causas rerum cognoscere valeres,

Causam primo Altissimam explorare voluisti:

in qua eminenter omnis felicitas & perfectionis nostræ

Vera formalitas est.

Inde Tibi Metaphysica non fuit Meta Physica;

cùm revelatis etiam Theologiæ principijs,

Principem Tuam Potentiam illustrare volueris.

Et certè,

Gentilitius Divinissimi Tutelaris Flos,

Tibi Cynosura gloriæ fuit,

cuius splendorem aspiciens,

non tantum per Stagyreum Euryppum;

sed etiam per Aquinatica Flumina auream mentis Tuæ Argonavim,

ad colles Laureati honoris duxisti.

Regina Scientiarum Gracia Pallas,

quæ Te ex privatis Gostomij Laribus,
ad beatam suæ eruditionis Insulam transtulerat,

Satis esse duxit,

Tibi pro aureo vellere, Iagellonicum Manipulum offerre.
Magis enim hic beat suos cultores, quàm olim Iasonem Phrygius Aries.

Bis ergo Laureatus,

tantam sœcunditatem à Iagellonico Fasce sumpsisti,
ut Te brevi Togatum ipsi OSSOLINIÆ ASCIÆ fascēs exambirent.

Quasi Te magno ingenio Consulem,
in Republica Literaria cognovissent.

Architecta gloriæ immortalis ASCIA,

tot heroicis operibus expolita,

ut Polono Iovi in triumphum cederet,

Rosa Tua debuit coronari.

Verum post expolitam magis magisq; ingenio Tuo Securim;
ut securius ad bravium gloriæ cucurrisset,

Myzkoviorum Virtus,

SOLEAM Gentilitiam Tuæ manu ductioni cōmiserāt;
ut quidquid calcaret, Rosa fieret.

Neq; publico Sole digna SOLEA spe sua frustrata erat,

quam per Studiorum Labyrinthum,

per vestigia gloriæ & probatæ vitæ,

magis quàm suo Ariadna filo Theseum duxisti.

Cucurrit in odorem suavitatis Tuæ,

Illustrissimus Myzkoviæ Indolis Genius,

adeò; ut nunquàm à Te avelli proposuerit.

Ligare voluit beneficentiæ suæ funiculis in fasciculum Virtutes Tuas,
ut aras Divorum in Ecclesia Chroberzscensi ornaret.

Et certè

cùm jam bonæ famæ gratus odor fueris;

Trzebicianum Olorem illexisti.

Cognoverat nempe concolorem Virtutibus suis Rosam;

quam celeri promotione ad Sacros Ordines promovit.

Vidit & apprimè delectatus est,

quam

quam *floreret odoratis mens Tua docta Rosis?*
quantus in Tuo pectore exemplaris vitæ vernaret Hymettus!

Vidit inquam

Illustrissimus & Reverendissimus Dominus,

D. NICOLAVS de Obory OBORSKI,

DEI, & Apostolicæ Sedis Gratiâ,

EPISCOPUS LAODICENSIS, &c.

& gemmis Liliorum suorum Te ornavit.

Cùm Roseo ore eloquia casta in Paradyso Ecclesiæ spargeres,

Delicias cordi eius auxeras.

Cùm Aras Divorum votivis cymmelijs ornares,

Præsulum gemmam in Tui traxisti amorem.

Cùm egenorum necessitati provideres, languidos liberalitate foveres,

concentratam Tibi Lilij suavitatem;

vt dein fortius vnita virtus operaretur, fecisti.

Pulchram modestiæ Tuæ & verecundi cordis suavitatem,

quantis gratijs Celsissimi Principis,

Illustrissimi, & Reverendissimi Domini,

D. IOANNIS de Maláchowice

MALACHOWSKI,

EPISCOPI CRACOVIENSIS, DUCIS SEVERIÆ,

Tania complectitur?

Videt illa,

quomodo dilexisti decorem Domus DEI:

quomodo cum substantia & vitam in ornamentum Ecclesiæ

impendere paratus es!

Nihil Tibi in Vita suavius,

quàm Doctrinæ Christianæ suavitatem pro rostris Ecclesiasticis,

sitienti populo profundere.

efficaci cælestis doctrinæ amuleto,

animarum debilitati ita mederi,

vt salus & integritas in ijs Ver perpetuum agat.

Manfuetudine Tuâ ita omnes demulces;

vt solis nonnisi scelerum Scarabæis & fucis,

quos Roseo Virtutum enecas odore, ingratus sis.

Gemini Tyndaridæ Fratres Tui,

Illustris olim, & Admodum Reverendus

SIMON, Curatus Lékáviensis,

Philosophici honoris, Virtutisq; apex & Corona,
ADAMVS, Curatus Proboſlovicenſis, P.

velut Adamas in Eccleſia fulgens

S T A S Z E V I I;

calamum ſiſtunt, & verba eripiunt:

quia omni elogio maiores ſunt.

Ergo totus Roſeus,

Totus candidus & rubicundus:

Quia dilectus Deo & hominibus,

Quod olim Perſicus Monarcha à ſubditis,

id à candore Clientis Tui accipe Votum:

Vive, Flore, Vince.

Quod ſi olim ROSÆ tributariæ fuerint,

Principibus ac Dynaſtis Orientis in cenſum datæ:

accipies benigno ſinu hoc quoq; tributum:

quia Tuum;

quod ex gratiarum horto decerptum,

Magno Nomini Tuo ſubſternit gratitudo mea.

Vernet Tibi ROSA,

Ampliſſimis in Eccleſia DEI honoribus

nec marceſcat.

Cujus ſi non benè rudi calamo depinxi colores,

Tu multorum Annorum Neſtor,

vti Idea omnium Virtutum,

in Temetiſo exactiùs illos exprimes:

Quia in Te,

Magni Archipræſulis & Martyris,

Vernans vivæ probitatis & ſapientiæ

R O S A,

PURPURASCIT.

Permiſſu Magnifici Domini

RECTORIS.

BIBLIOTH. UNIV.



JAGELLONICAE

na,
si, p.

D.

Cim

Cim

Pul

D.

EPISC

phom

quar

CI

8

